



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theses Theologicae De Opinione Probabili

Huygens, Gommarus

Lovanii, [1683?]

Conclusio Prima. Explicatur natura sive essentia Probabilitatis.

urn:nbn:de:hbz:466:1-40441

CONCLUSIO PRIMA.

Explicatur natura sive essentia Probabilitatis.

Probabile dicitur à probatione: hinc sicuti non una datur probationis species, ita quoque non uno modo dicitur probabile. Probatio aliquando accipitur pro convictione, sive probatione convincingente. Conformater etiam sumuntur hi termini, *probabile in iudicio externo* (id est, quod potest probari usque ad convictionem in isto iudicio) item *vir probata fidei*, *homo probata vitæ*, &c. quæ idecirò observanda duximus, ne quis, dum fortè apud Veteres ac optimos Authores, *probabile* pluris estimari videt, quam in hisce Thesibus nos estimandum esse dicimus, idcirò mox credat illos nobis hâc in parte esse contrarios. Siquidem nos aliâ, & planè diversâ acceptione vocis *probabile*, illâ scilicet, quâ hodie recentiores, de probabili in his Thesibus sumus locuturi. Etenim cùm non contrà Veteres, sed contrà Recentiores quosdam Theologos has Theses dirigamus, oportet ut de probabili, de quo hi loquuntur, & nos loquamur. Ut propositio quæpiam juxta Recentiores sit probabilis, duo requirunt; quorum primum, ut nec de veritate istius propositionis, nec etiam de falsitate ejusdem certò constet: nam si certò constaret ejusmodi propositionem veram esse, eam non probabilem, sed certam, sive certò veram vocabunt. Hinc illorum nemo ipsos fidei articulos, aut conclusiones evidenter indè consecutaneas, vocabit *probabiles*; uti nec scientiarum naturalium certa principia, aut conclusiones evidenti consequentiâ indè deductas. Porrò si propositionem quampiam non quidem certò veram, at certò falsam esse constet, nec tunc probabilem appellabunt, sed certò falsam: ex quibus manifestum evadit quod jam dictum est, nimirum ad probabilitatem Recentiores requirere ut nec de veritate, nec de falsitate propositionis, quæ probabilis dicitur constet. Ex his concludimus, quod omne probabile sit incertum; cum nec sit certò verum nec certò falsum. Si probabile sit incertum, etiam est dubium: dubium enim prorsus idem est quod incertum; ita ut incertum & dubium cādem definitione, hâc scilicet; de cuius nec veritate nec falsitate certò constat, circumscribi possint & debeant: ex gr. hæ propositiones: *Charitas distinguitur à gratiâ sanctificante*, *Salomon est salvatus*, sunt probabiles, incertæ & dubiæ; & quia probabiles, ideo incerte; & quia incertæ, idcirò dubia. Hæ occasione primi requisiti ad probabile, juxta acceptiōem Recentiorum. Secundò ad probabile requirunt, ut nitatur ratione quam ipsi vocant non modici momenti; vel ut nitatur autoritate, quam vocant gravem. Hinc Recentiorum aliquis probabile communi omnium nomine definiens: probabilis, inquit, sententia, uti communiter accipitur, ita definiti potest: *ist quæ certitudinem non habens, tanen vel gravi autoritate, vel non modici momenti ratione nititur*. *Ratio non modici momenti* secundum Recentiores idem valet quod ratio *gravis*. *Gravem* autoritatem dictæ definitiois author rursum definit, dum ait; *authoritas gravis h̄c censi debet, que saltē est unius viri docti et probi*, qui tamen talē doctrinā non inconsideratè & temerè, sed post perspectā rationum pondera, quæ in oppositum adserri possunt amplexus est. Ex his habemus, et si omne probabile sit dubium non tamen vicissim omne dubium esse probabile: siquidem non illud dubium pro cuius veritate nec ratio habetur nec authoritas; puta quales sunt expressæ in secundo requisito ad probabilitatem, id est, nec ratio quam vocant non modici momenti, nec authoritas quæ à Recentioribus dicitur *gravis*. Dubium dividitur in *dubium negativum*, ut vocant, & *dubium positivum*. *Dubium negativum* est pro cuius nec veritate nec falsitate habetur ratio vel authoritas notabilis momenti, quale dubium nunquam dicitur probabile. *Dubium positivum* est pro cuius veritate vel falsitate habetur ratio vel authoritas notabilis momenti. An omne ejusmodi dubium sit probabile, non est necessum h̄c examinare: sufficit namque intento nostro, quod omne probabile sit positivum dubium. Sicut natura dubii magis innoscit per divisionem jam datam, ita quoque natura probabilitatis, dividendo *probabile* in *equè probabile*, *magis probabile* & *minus probabile*: nam si proposicio aliqua probabilis suam contradictriam, etiam probabilem in probabilitate nec excedat, nec excedatur ab illa, dicetur, *equè probabile* puta respectu sua contradictioniæ: si illam excedat in probabilitate, dicetur *magis probabile*; si in probabilitate ab illâ excedatur, dicetur *minus probabile*.

bilis. Porro si propositio aliqua sit tibi minus probabilis, nimisrum quam ejus contradictoria, necessum est ut tibi sit minus verosimile hanc esse veram, quam quod ejus contradictoria sit vera; adeoque necessum ut tibi sit magis verosimile quod illa minus probabilis sit falsa, quam quod sit vera. Si è contrà propositio aliqua sit tibi magis probabilis, intellige iterum magis quam ejus contradictoria, verosimilius tibi erit quod ista magis probabilis sit vera, quam quod ejus contradictoria sit vera; verosimilius proinde tibi erit quod ista magis probabilis sit vera, quam quod falsa. Ex his facilè colliges quod æque probabilis sit æque verosimiliter vera ac falsa, & è contrà. In negatvè dubiis, qualis est utraque harum: arena maris sunt numero pares, arena maris non sunt numero pares, utraque contradictoriarum solet esse æque verosimilis; ita ut non sit plus verosimilitudinis pro veritate hujus, arena maris sunt numero pares, quam pro veritate hujus, arena maris non sunt numero pares. Ex quo consequentem ut illarum quælibet æque verosimiliter sit vera ac falsa. Et hinc ulterius sequitur propositionem quæ est minus probabilis, quam ejus contradictoria, esse minus verosimilem, quam alterutra harum determinatè, scilicet, arena maris sunt numero pares, arena maris non sunt numero pares: ut proinde si quis deberet eligere unam ex duabus propositionibus quarum altera esset minus probabilis, altera negativè dubia, ut est hæc, arena maris sunt numero pares, ita ut multum ejus interesset eam elegisse quam Deus novit esse veram; sine cunctatione deberet eligere illam, arena maris sunt numero pares: nam de hac tanta est verosimilitudo quod sit vera, quam quod sit falsa. Probabilitas alia vocatur extrinseca, alia intrinseca; hæc rationi, illa authoritati innititur. Utraque requirit nescientiam veritatis, si probabilis in se vera sit, vel nescientiam falsitatis, si probabilis in se falsa sit: omnis namque propositio sive sit probabilis, sive aliter nobis dubia, in se tamen, & prout Deo nota, vera est vel falsa. Rectè hinc conficies omnem probabilitatem nasci ex nescientia veritatis aut falsitatis. Hæc nescientia in probabilibus quæ ad Theologiam moralem adeoque ad officium nostrum spectant est penalis quedam ignorantia, ob peccatum suum originale inflata: idem proinde de probabilitate censendum. Quare probabilitas in moralibus est pena peccati, adeoque non beneficium, sed supplicium dicenda. Quemadmodum probabilitas nascitur ac dependet ex ignorantia, ita quoque pro ignorantiae varietate & inconstantiâ, varia etiam est & inconstans probabilitas: ita ut jam possit fieri probabile, quod ante certò verum aut certò falsum reputabatur, & similiter possit uni esse probabile, quod alter velut certò falsum haberet. Ex quo evidenter consequaneum, quod si probabilitas foret regula morum, tunc morum regula pro temporum hominumque diversitate varia foret & inconstans.

CONCLUSIO SECUNDA.

Exponitur Recentiorum quorumdam doctrina de usu probabilium cum sua sequela.

Qui hodiernum probabilium usum licitum censerent, sententiam suam de illis probabilibus intelligere solent, in quibus quidpiam *veluti absolute licitum*, sive legi non contrarium defenduntur. De ejusmodi probabilibus statuunt hoc generale principium: *licitum est sequi opinionem*, modo sic *probabilis*. Plerique principium extendunt etiam ad *minus probabilem* ac *similis minus tutam*. Non nulli eosque distendunt, ut etiam licitum afferant sequi opinionem probabilem alienam contraria propria. Hoc adeò generale ac vastum principium, tam in lege divinâ, quam in humana, tam in lege naturali, quam in positiva locum obtinere intrepide affirmant. Quibus semel admissis consequaneum erit, quod quilibet illorum authorum, qui à recentioribus docti vocantur & probi, poterit adversus quamlibet legem humanam ac divinam, licitum facere quidquid ipse post perspecta, ut aiunt, rationem pondera, amplexus fuerit: nam omne istud juxta descriptionem ante datam erit probabile: adeoque secundum illorum recentiorum doctrinam licitum ac tutum. Poterunt proinde ejusmodi authores mandata Dei & Ecclesiæ suis sententiis probabilibus, ut vocant, ita limitare, interpretari, ac convellere; ut vix illum amplius sive Dei, sive Ecclesiæ præceptum vim obligandi retineat. "Ut noxiæ libertati sayant", inquit de ejusmodi authoribus Cardinalis Bona, in Principiis vita Christianæ para-